

**394** Gawan bî Scherulese enbôt  
 sîner vrouwen Obilot,  
 daz er si gerne wolde sehen  
 unt ouch mit wârheite jehen  
 5 sînes lîbes undertân  
 unt er wolt ouch ir urloup hân.  
 »unt sagt, ich lâze ir den kûnec hie.  
 bittet si sich bedenken, wie  
 daz sin alsô behalte,  
 10 daz prîs ir vuore walte.«  
 Dise rede hôrte Meljanz.  
 der sprach: »Obilot wirt kranz  
 aller wîplichen güete.  
 daz senftet mir mîn gemüete,  
 15 ob ich ir sicherheit muoz geben,  
 daz ich ir vrides hie sol leben.«  
 »Ir sult si dâ vür hân erkant,  
 iuch envienc hie niemen wan ir hant«,  
 sus sprach der werde Gawan.  
 20 »mînen prîs sol si al eine hân.«  
 Scherules kom vür geriten.  
 nûne was ze hove niht vermiten,  
 dâne wære magt, man unt wîp,  
 in solher wæte ieslîches lîp,  
 25 daz man kranker, armer wât  
 des tages dâ hete lîhten rât.  
 Mit Melyanze ze hove reit  
 al die dort ûze ir sicherheit  
 ze pfande heten lâzen.  
 30 dort elliu vieriu sâzen:

»und ich (vnder *G*) welle (welle ouch *\*T* [*O L Z*]) ir *\*G* (*\*T*)  
 unt *om. \*G \*T*

daz *om. \*G (nur GL)*

des antwurte (antwortim *\*T*) Melianz; *\*G (\*T) (nur T)*  
 er sp. (*om. G*): *\*G \*T* · »Obylot w. ein kr. *\*T*

diu s. (Daz senftiert *V*) *\*T*

daz ich ir s. sol (m<sup>v</sup>z *O* [*L Z*]) g. *\*G* · ob ich ir s. m. g. *\*T*  
 unde ouch ir *\*G \*T* · hie m<sup>v</sup>z leben *O* (*L*)

sô (Do *L*) sp. *\*G \*T (nur T)*

dô was *\*T (nur T)*

man noch wîp, *\*T (nur T) (L)*

in (vnde *O*) s. w. (schoner varwe *I*) ieslich lîp, *\*G (ohne L)*

daz man dâ kr., a. (man der cranchen armen *I*) wât *\*G \*T*

des (Der *Z*) t. h. (het da *O* da het *Z*) *\*G \*T (nur T)*

ir *om. \*T (nur T)*

---

*\*D: D \*m: m \*G: G I O L Z \*T: T V*

---

**1** Initiale *D O L Z T*   **3** Initiale *I*   **11** Majuskel *D T*   **17** Initiale *I* · Majuskel *D T*   **21** Initiale *T*   **27** Majuskel *D T*

---

**5** sînes] ir sînes *\*m* (*V*)   **9** daz] dâ *\*m*   **12** der] er *\*m*   **19** sus] *om. \*m*   **25** man] man dâ *\*m*   **26** dâ hete] hete dâ *\*m*